

զազն, քանզի Թռանգ բազում եկեալ են անդ նաւով:

Եւ առաւօտուս կիրակի Մեծահրաշխի (18 Մայիս) գնացաք ի Սուրբ Նիկողոս եւ յետ ժամուն գնացի ի մեր ժամն եւ անտի ի Մղսոնցն եւ Մղտեսին ի Ղալաթայ գնաց զսանն կնքել եւ եկաւ Գ ժամուս, եւ երեկոյիս գնացաք ի Սուրբ Նիկողոս և դաս ստաց Վարդապետն և ի մէջ դասին անիծեաց և նոյվեաց զորդի Պիլէզիկճի Յարութիւնին որ օրս գնացեալ ի Ղալաթայ և ի ձեռաց Թռանկացն հաղորդ է առեալ: Եւ յետ ժամին զԱմբիծ քն ասին, և յետ արձակմանն գնացաք ընդ Մղտեսուն ի տուն նորա և անտի գնացի ես ի տուն:

Բչի (19 Մայիս) առաւօտուս գնացի ի ժամ և անտի ի խանութ: Եւ յերէկ և այսօր ի ներսն մուշավէրէ կայր խորհրդեամբ յէնկիչէրոցն, քանզի լեալ թէ Սէյտի Ամատ փաշան եւ Հասան աղայ Իփշիրին եւ այլ մեծամեծք յըսպահոցն ամենեքեան գնացեալ մօտ ի վէզիրն, և սոքա երկուցեալ յայսմ բանէս՝ գուցէ նոքա մեզ գան¹⁾ տայցեն, վասն այսորիկ մուշավէրէ առին և կամին զի զմօհրն դարձուցեն աստ. և կարծեմ թէ չը կարեն առնել զգործս: Եւ երեկոյիս գնացի մօտ ի Վարդապետն եւ զայսոսիկ լեալ ոչ գնաց ի ժամ վասն տրամութեանն, քանզի ոչ եղև մի խազաղութիւն որ տեսանէին զգործս Երուսաղէմայ:

Գչի (20 Մայիս) առաւօտուս գնացի ի ժամ և անտի ի խանութ: Եւ լւաք՝ թէ ի գնտանն որչափ մարդ արգիլեալ էին չարագործք և գողք, զմանս տարեալ ի թին տեալ, եւ զղափուտանի բերած հայտուտ աւազակքն ևս՝ զնոքա ի թին տեալ: Եւ յետ կէս աւուրս թագաւորն թէպտիլ կերպարանաւ եկեալ ի Պահչաղափուսին եւ գնացեալ սակաւիկ մի յառաջ ընդ ծովու եզերովն եւ զմի մարդու շինիքն զրկել վասն

1) գուն.